

EM2017-35
Michael Rosing
Attaviitsoq
12/10-2017

Inatsisartut aalajangigassaatut siunnersuutigineqarpoq Naalakkersuisut peqquneqassasut UPA2018-imut Tunumi aalisarneq pillugu nassuiaat agguaatissagaat. Nassuiaatip imarissavaa Naalakkersuisut aalisarnikkut inerisaaniarlutik iliuusissaat – kiisalu innersuussutit, aalisarnerup inerisarnissaanut tunngasutigut siunnersuutaasut.
(Inatsisartunut ilaasortaqaq/Medlem af Inatsisartut Laura Táunâjik, Siumut)

Tunumi aalisarneq qanoq aallartinneqarsinnaava. Apeqqut taanna ukiut kingulliit marlussuit ingerlanerini arlaleriarluni oqallisaasarpoq. Tunu sumiiffiit amerlanngitsut qularutissaanngitsumik aalisagaqarluarsinnaasut ilagaat, suli aalisapilunneqanngitsunik. Taamaattumik apeqqutaannginnanngilaq qanoq ililluta aallartissanersugut aammali apeqqutaavoq qanoq ililluta nungukkiartuutaanngitsumik aalisarneq qularnaarsinnaaneripput peqassuseq aningaasarsiernerlu eqqarsaatigalugit.

Kalaallit Nunaanni aalisarnikkut maannamut takusimasarput tassaavoq naalakkersuinikkut akuleruttoqartuarnera. Inuppassuupput umiatsiaararsinissaminnut tapiissutisinunik, oqallisaanikuvoq kikkut aalisakkeriviliorsinnaanersut kikkullu aalisakkeriviliorsinnassannginnersut aamma sumi. Tamakku tamarmik naalakkersuisuusartunit annerusumik akuleruffigisariaqanngikkaluarput. Maannalu immikkoortumik suli aalisarnikkut ineriartortinneqarsimanngitsumik peqaleratta apeqqutaasariaqarpoq allaanerusumik eqqarsartariaqalinnginnersugut.

Aalisarnermik aqutsinerup iluani tunngaviusumik ajornartorsiut iluarsisariaqartoq tassaavoq pisuussutini piginnittuuneq. Pigisaqanngikkaanni pisassiissutini taava aalisartorpassuit akiliisinnaajunnaassapput akit apparpata. Killeqanngitsumilli pisassiissutini peqaraanni taava ikittuaraannaat pisassiissutini pilissuanngussapput.

Periarfissarli alla Alaskami, New Zealandimi aammali Danmarkip sineriaata ilaani sumiiffinni assigiinngitsuni iluatsilluarsimasoq aamma atorneqarsinnaavoq. Taaneqartarpoq ingerlatseqatigiiffik pisassiissutini piginneqatigiiffik. Piginneqatigiilluni illuuteqarnertut aaqqissuussaavoq, pigineqarlutilli pisassiissutit. Taava peqatigiiffeqalissaaq nukittuumik ilaatigut angallatinik atortunillu pisisoqartillugu akiliisussamaatit atorneqartartussamik. Taamaasilluni aallaqqaammut atorneqarsimasoq piginneqatigiilluni aalisarnikkut aaqqissuussinermut eqqaanartumik pilersitsisoqassaaq.

Inassutigissuara, tunumi aalisarnerup ineriartornera pillugu nassuiaasiortoqarnissaa pisariaqarpat taava uanga ajoriffissaqartinngilara, aatsaalli ingerlatseqatigiiffimmik imaluunniit ingerlatseqatigiiffinnik pisassiissutini piginneqatigiiffiusussanik pilersitsisinnaanissaq periarfissiissutigineqartunut ilaatinneqassappat.